

Član 2.

Ovaj Aneks ugovora bit će objavljen u "Službenim novinama Kantona Sarajevo" i stupa na snagu osmog dana od dana objavljivanja.

Broj 04-27-31203/06
5. decembra 2006. godine
Sarajevo

Samostalni sindikat radnika
Komunalne privrede u FBiH
Kantonalni odbor Sarajevo
Predsjednik
Ibro Babić, s. r.

Vlada Kantona Sarajevo
Ministarstvo prometa i
komunikacija
Resorni ministar
Ljiljana Sakić, s. r.

Poslodavci - direktori javnih komunalnih preduzeća
Kantona Sarajevo

1. KJKP "Gras" d.o.o.
Sarajevo
Šaćir Boškailo, s. r.

2. KJKP "Rad" d.o.o.
Sarajevo
Selim Babić, s. r.

3. KJKP "Vodovod i
kanalizacija" d.o.o. Sarajevo
Fahrudin Pilavdžić, s. r.

4. KJKP "Toplane" d.o.o.
Sarajevo
Suad Zeljković, s. r.

5. KJKP "Sarajevogas" d.o.o.
Sarajevo
Salih Selmanović, s. r.

6. KJKP "Park" d.o.o. Sarajevo
Osman Delić, s. r.

7. KJKP "Pokop" d.o.o.
Sarajevo
Nuko Grebović, s. r.

8. JKP "Tržnice-pijace" d.o.o.
Sarajevo
Suljo Džafo, s. r.

9. JKP "Komunalac" d.o.o.
Hadžići
Salko Čović, s. r.

10. JKP "Vodostan" d.o.o. Ilijaš
Saudin Mešetović, s. r.

**Ministarstvo za rad, socijalnu politiku,
raseljena lica i izbjeglice**

Na osnovu člana 16. Uredbe o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo" broj 24/06), a u vezi sa članom 8. stav 3. Uredbe o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", broj 24/06), ministar za rad, socijalnu politiku, raseljena lica im izbjeglice Kantona Sarajevo, na prijedlog Koordinacionog tijela za rad javnih kuhinja, donosi

PRAVILNIK

**O OBLIKU, FORMI I SADRŽAJU KARTICE ZA TOPLI
OBROK U JAVNIM KUHINJAMA**

Član 1.

(Osnovne odredbe)

Ovim Pravilnikom uređuje se izdavanje kartice za topli obrok u javnim kuhinjama Kantona Sarajevo (u daljnjem tekstu: kartica), izrada, izgled, boja, ovjera, evidencija, duplikat kartice i stupanje na snagu.

Član 2.

(Izdavanje kartice)

Korisnicima toplog obroka u smislu člana 3. Uredbe o priznavanju prava na topli obrok u javnim kuhinjama Kantona Sarajevo koji ostvare pravo na topli obrok u jednoj od javnih kuhinja Kantona Sarajevo uz rješenje o priznavanju ovog prava izdaje se i kartica za topli obrok (u daljnjem tekstu: kartica).

Član 3.

(Izrada kartice)

Kartica je izrađena od kvalitetnog kartonskog materijala, pravougaonog je oblika, dimenzija 21 x 7,3 cm.

Član 4.

(Izgled kartice)

Kartica je urađena dvostrano i to:

- Prednja strana je podijeljena na dva jednaka dijela, tako da su na lijevoj strani naznačena četiri zadnja mjeseca u godini sa obilježenim danima u tom mjesecu, a na desnoj strani su naznačene rubrike sa oznakom Kanton Sarajevo, naznakom javne kuhinje i općine pri kojoj kuhinja djeluje. Ispod navedenog je naziv punkta i broj kartice, te prezime, ime i adresa korisnika sa brojem članova domaćinstva.
- Na poledini kartice je naznačeno osam prvih mjeseci u godini, sa obilježenim danima u pojedinom mjesecu.

Član 5.

(Boja kartice)

Za svaku općinu određena je boja kartice bez obzira o kojoj se kuhinji radi:

- Općina Stari Grad - zelena
- Općina Centar - žuta
- Općina Novo Sarajevo - roza
- Općina Novi Grad - bijela
- Općina Ilidža - plava
- Općina Vogošća - narandžasta

Član 6.

(Ovjera kartice)

Karticu ovjerava nadležna Služba socijalne zaštite i javna kuhinja za koju se korisnik opredijelio.

Član 7.

(Evidencija na kartici)

Pri preuzimanju toplog obroka korisnik je dužan dati na uvid karticu ovlaštenom radniku javne kuhinje koji će križićem označiti dan u kojem je korisnik preuzeo topli obrok.

Član 8.

(Duplikat kartice)

Korisnicima koji izgube karticu nadležna Služba će izdati duplikat kartice i isto evidentirati u zvaničnu evidenciju.

Član 9.

(Stupanje na snagu)

Ovaj Pravilnik stupa na snagu narednog dana od dana donošenja, a objavit će se u "Službenim novinama Kantona Sarajevo".

Broj 13-02-31601/06
11. decembra 2006. godine
Sarajevo

Ministar
Hajrudin Ibrahimović, s. r.

Na osnovu člana 16. Uredbe o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", broj 24/06), a u vezi sa članom 2. stav 2. Uredbe o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", broj 24/06), ministar za rad, socijalnu politiku, raseljena lica i izbjeglice Kantona Sarajevo, na prijedlog Koordinacionog tijela za rad javnih kuhinja, donosi